

Ինձի համար առանձնաշնորհում կը նկատեմ կրկին անգամ խօսք առնել որպես նախագահը մեր պատկառելի կազմակերպության: Շնորհակալություն կը յայտնեմ այս կարեւոր առիթով ձեր ներկայութեան համար:

Ֆրանսայի հետ հայութեան սերտակցութիւնը, դարաւոր պատմութիւն ունի: Իսկ Փարիզը Հ.Բ.Ը.Մ.ին համար հարազատ է մէկէ աւելի պատճառներով: Բոլորիս ծանօթ է Հիմնադիր Պօղոս Նուպարի աւանդը եւ անոր կապուածութիւնը այս քաղաքին, որ շատ մը առաջնորդող գաղափարներու համար ներշնչման աղբիւր եղած է ատենին: Հոս էր որ ան, իբր հմուտ դիւանագետ, գլխաւորեց Ազգային Պատուիրակութիւնը: Հոս էր նաեւ, ուր տազնապալի իրադարձութիւններու պարտադրանքով, ան որոշեց փոխադրել Միութեան ղեկավարութիւնը: Ի վերջոյ հոս, այս մեծ քաղաքին մէջ է որ կը հանգչի ան: Այսօր, հոս է որ 90-րդ անգամ ըլլալով մենք կը հանդիպինք իբր միակամ կազմակերպութիւն: Կ'երեւակայեմ, որ ան եւ իր գործակիցները, այսքան տարիներ ետք, հիացումով կը դիտեն շարունակող մեր ազգանուէր ծառայութիւնը:

Այս առթիւ, կը փափաքիմ շնորհակալութիւն յայտնել Հ.Բ.Ը.Մ.ի Ֆրանսայի շրջանակի մեր պատասխանատուներուն, որոնք հիւրընկալեցին աշխարհի հեռաւոր շրջաններէ եկող պատգամաւորները, անգամ մը եւս հաստատելով, որ 113 տարիներ ետք, մեր Միութիւնը կենսունակ է եւ այժմեական, աւելի քան երբէք: Կենսունակ եւ այժմեական, բանալի բառեր են, որոնք սկսած ենք հետզհետէ աւելի յաճախ օգտագործել որպէս մեր կազմակերպութեան յաջողութեան ցուցանիշերը: Այս յատկանիշներով կրնանք նաեւ որակել մեր ծառայութեանց բարիքները վայելող շրջանակներու կացութիւնը, ինչպէս նաեւ մեր նուիրատուներու եւ գործընկերներու որակը եւ մեր շրջանակները խանդավարող եւ գործի մղող ղեկավարներու արդիւնաւորութիւնը:

Որպէս ժողովուրդ եւ որպէս կազմակերպութիւն, մեր դրական ոգին եւ հաստատակամութիւնը մեր կենունակութեան միօսները կը հանդիսանան: Մենք որպէս համահաւասար եւ գնահատուած գործակատարներ, ինքնավստահութեամբ կը վերաբերինք մեր շրջապատին: Անցնող մէկ դարու մեր նախաձեռնութիւնները եւ ազգանուէր ծառայութիւնը մեր համայնքներուն, մեր ազգին եւ ընդհանրապէս հանրային լայն շրջանակներուն, մեր այժմեականութեան պերճախօս վկայութիւնը կը կազմեն:

Այլ խօսքով, մեր գործերը կը մարմնաւորեն մեր պարկեշտութիւնն ու մտասելեռումը, ինչպէս նաեւ մեր գաղափարաբանութեան եւ նպատակներու ճկունութիւնն ու տարածականութիւնը:

Մեզի համար անհրաժեշտ է միշտ այժմեական ըլլալ եւ առաջատար դիրքի վրայ գտնուիլ մեր ազգի շահերու պաշտպանութեան ի խնդիր: Պէտք է որ շարունակաբար վերանորոգենք մենք զմեզ: Շարունակ պէտք է հարց տանք մենք մեզի, թէ մեր գործունէութիւնը որքանով քայլ կը պահէ յաջորդական սերունդներու ակնկալութիւններուն հետ: Որքանով այդ գործընթացը ուղղուած է համաշխարհային խնդիրներու: Մանաւանդ որքանով միասնականութեամբ հնչելութիւն ստացած մեր ձայնը կ'արդարացնէ «փոքր հանրապետութիւն բայց աշխարհաճաւալ ազգ» հասկացողութիւնը:

Այս հարցադրումները պետք է որ շարունակաբար ուղղուն ոչ միայն արժեւորելու համար Հ.Բ.Ը.Մ.ի գործունեությունը, այլև գնահատելու համար համընդհանուր հայ իրականությունը, տեղական, շրջանային թե՛ ազգային առումներով:

Մեր նախորդ 2016-ի Ընդհանուր ժողովէն աստիճան, աշխարհը շատ արագ փոխուած է, մեզի պարտադրելով դիմակալել չնախատեսուած զարգացումներ, որպէս առաջնորդներ, որոնք ատակ են ստեղծարար եւ նորարար մօտեցումներով խնդիրներ լուծելու:

Հայութիւնը նախաձեռնեց եւ իրականացուց ամենադրական գնահատումներու արժանացած թաշտայ խաղաղ յեղափոխութիւնը, որուն ականատես եղանք անցեալ զարնան: Այդ յեղափոխութիւնը, նորընտիր վարչապետ Նիկոլ Փաշինեանի ղեկավարութեամբ, համայն աշխարհին ցոյց տուաւ հայ ժողովուրդի տոկունութիւնը եւ հաստատականութիւնը:

Մինչ այդ, շարք մը այլ երկիրներ, ուր մեզմէ շատեր հաստատուած են, կ'անցնին իրենց յատուկ քաղաքական վերիվայրումներէ: Միացեալ Թագաւորութենէն մինչեւ Միացեալ Նահանգներ, Ֆրանսա, Հարաւային Ամերիկա եւ Միջին Արեւելքի տարբեր շրջաններ, նոր խմորումներ տեղի կ'ունենան: Անհատական գետնի վրայ, մեզմէ իւրաքանչիւրը կը վերարժեւորէ իր քաղաքական կողմնորոշումները: Մենք նոյնքան մտահոգ ենք մեր ապրած երկիրներու խնդիրներով, որքան մեր հայրենիքի դիմագրաւած մարտահրաւերներով:

Այս բոլորը համաշխարհայնացման դրսեւորումներուն մաս մը կազմեն: Ամէն տարի եւ իւրաքանչիւր փոխուող սերունդի հետ, սփիւռքի մէջ մենք աւելի ու աւելի կ'իւրացնենք տեղոյն մշակոյթները: Հայկական Ինքնութիւնը բնական զարգացումի ընթացք մը կ'ապրի: Ոմանց պարագային, երրորդ եւ չորրորդ սերունդները որոնք մեծցած են իրենց հայրենիքէն դուրս, աւելի քան ներգրաւուած են տեղական մշակոյթին եւ աւանդութիւններուն մէջ, հետզհետէ հեռանալով իրենց հայկական ժառանգութենէն:

Նոյն ատեն, սփիւռքի նոր միջավայրեր ի յայտ կու գան Եւրոպայի մէջ, ինչպէս Գերմանիա, Հոլանտա, Սպանիա եւ Ուքրանիա: Վերջերս՝ նոյնիսկ Ասիա եւ Հարաւային Քորեա, ուր Միանմարի եւ Պենկլատէշի մէջ, մեր արմատներու նոր յայտնաբերումներ կը կատարուին: Այս բոլորով, տակաւին Հայերու մէկ հատուածին է միայն որ կ'անդրադառնանք: Անցնող դարաշրջանին, մենք կորսնցուցած ենք շատեր, որոնք իրենք զիրենք կը ճանչնան իբրեւ Հայ: Անհրաժեշտ է որ մեր ճիգերը կեդրոնացնենք զանոնք յայտնաբերելու եւ իրենց հարազատ ժառանգութեան վերամիացնելու ուղղութեամբ:

Մենք կոչուած ենք գործելու նոր եւ ցարդ չքարտէսագրուած ուղղութիւններով, ինչ որ մեզմէ կը պահանջէ ճկունութիւն, ուշիմութիւն, տեսիլք եւ ամենակարեւորը՝ միասնականութիւն:

Լուծումներ գտնելը դիւրին չէ, սակայն պատասխանը մասամբ յստակ է: Այստեղ, մենք կարող ենք լաւագոյնը մատակարարելու: Անհրաժեշտ է որ մենք կարենանք առիթներ ընձեռել, աճման նպաստող մթնոլորտ ստեղծել, նաեւ միջոցներ ապահովել, ներգրաւելու եւ գործի մղելու համայն հայութիւնը աշխարհի տարածքին, հասնելով նոր սերունդին եւ գոհացնելով անոր հետաքրքրութիւնները:

Այստեղ կ'ուզեմ պահ մը կանգ առնել եւ սահմանել թէ Հայութիւն ըսելով ինչ կը հասկանանք: Հ.Բ.Ը.Մ.ին համար, Հայեր են բոլոր անոնք, անհատ կամ հաւաքականութիւն, որոնք կը բաժնեն հայ ժողովուրդի արժէքերը, հիմնուած մեր պատմական ժառանգութեան վրայ: Չափորոշիչը արինակցութիւնը չէ միայն: Կարելի չէ «կէս-Հայ» ըլլալ: Հայ է ան, որ Հայ կը զգայ եւ հպարտ է ինքզինք անձնաւորելու մեր բոլորին կողմէ գերադաս նկատուող արժէքներով:

Այս իսկ պատճառաբանութեամբ, Մեր Ընդհանուր Ժողովը որդեգրած է Ծրագիր Կանոնագրի բարեփոխում մը, ներառելով ուէէ անձ, որ կը հաւատայ կազմակերպութեան արժէքներուն, որպէս անդամ ընդունելով զայն միութենէն ներս: Այժմ կարելոր է որ միջոցներ ձեռք առնենք, հասնելու բոլոր այդ հայերուն:

Հ.Բ.Ը.Մ.ը գործնապէս փաստած է, թէ որդեգրած է ճիշտ կողմնորոշում, լրատուական ճարտարագիտութեան արագընթաց զարգացումները եւ միջոցները ի գործ դնելով կազմակերպութեան եւ հայ ժողովուրդի օգտին, որուն կը ծառայէ ան:

Օրինակի համար, Հայկական Հեռավար Գովէճի ծրագիրին միջոցաւ, մենք յաջողած ենք հասնիլ անոնց որոնք հեռու կը գտնուին հայկական համայնքներէ: Այսօր ծրագիրը կ'օգտագործուի 97 տարբեր երկիրներու մէջ, ներառեալ Նոր Զելանտա եւ Ճաբոն: Մեր «Առցանց Զրոյցներ» շարքը լայն տարածում գտած է որդեգրուելով մեծ յարգանք վայելող հիմնարկներու եւ բարձրագոյն ուսման հաստատութիւններու կողմէ: Ընկերային ցանցերու արդիւնաւոր օգտագործումը կարելիութիւն կ'ընձեռէ մեզի արագօրէն օգնութեան եւ աջակցութեան աշխատանքներ կամ դրամահաւաքներ կազմակերպել անակնկալ աղէտներու պարագային, ինչպէս պատահեցաւ Սուրիոյ պատերազմին եւ կամ Արցախի օգնութեան նախաձեռնութիւններու ընթացքին:

Մեր հետեւողական ճիգերուն շնորհիւ մենք յաջողած ենք շահիլ վստահելի ղեկավարութեան համբաւ, միշտ պատրաստ՝ գործադրելու մեծ ծրագիրներ: Մեր վստահելիութիւնը եւ Հարցերու լայնամիտ մօտեցումը կարելի դարձուցած են ռազմավարականօրէն համալրուած գործընկերութիւններ մշակել աշխարհի ամենայայտնի կազմակերպութիւններու հետ, ինչպիսիսն է Միացեալ Ազգերու Կազմակերպութիւնը, Եւրամիութիւնը, Միացեալ Նահանգներու Միջազգային Զարգացման Աջակցութեան կազմակերպութիւնը, Սմիթսոնիըն Հիմնարկը եւ վերջերս, Նիւ Եորքի Մէթրոփոլիթըն Արուեստի Թանգարանը: Մեր մասնաճիւղերը եւ գրասենեակները նոյնպէս կարելոր քայլեր առած են տեղական Ոչ-Կառավարական Կազմակերպութիւններու եւ մշակութային հիմնարկներու հետ գործակցելու ուղղութեամբ, այդպիսով, կամուրջներ ստեղծելով մշակոյթներու միջեւ, նաեւ ընդհանրական քննարկումներու մէջ հայկական կողմին ձայնը լսելի դարձնելով:

Այսօր, աւելի քան երբէք, մեր կրթական գործունէութիւնները շեշտակի կարելորութիւն կը ներկայացնեն մեր ժողովուրդին եւ Հ.Բ.Ը.Մ.ին համար: Տեղական մասնաճիւղերու մեր ղեկավարութիւնները, կենսական պարտականութիւնը ունին դասական թէ նորարար ծրագիրներով ներգրաւելու իրենց համայնքները: Անցնող տարիներուն, անոնք օրինակելի նուիրումով առաջ տարած են իրենց գործունէութիւնը: Կոչ կ'ուղղեմ բոլորին, առաջնորդուելու նորարար գաղափարներով, որպէսզի կարենան խանդավառել իրենց հետեւողները, ներընդգրկել երիտասարդները, ներշնչել իրենց շրջանակները եւ զանոնք համախմբել

ընդհանրական մտահոգություններու շուրջ: Անհրաժեշտ է ստեղծել հարթակներ, որոնք կայծ կու տան երկխօսություններու, նոր հետեւորդներ կը ներգրաւեն, ճարտարագիտական միջոցներու օգտագործումով ուսուցման նորարար ձեւեր ի գործ կը դնեն, լեզու, պատմություն եւ մշակութային ժառանգություն փոխանցելու համար, որոնք կը զօրացնեն ազգային ինքնութեան գիտակցությունը:

Մենք կը շարունակենք զօրակցիլ մեր կարեւորագոյն կառոյցին, Հայաստանեայց Առաքելական Ս. Եկեղեցիին, Մայր Աթոռ Ս. Էջմիածինին եւ մեր հոգեւորականութեան: Հայեր երկար ատեն եղած են սփիւռքի ժողովուրդ, զիրենք միաւորող հասարակաց մէկ յատակ թելով, որ է մեր հաւատքը: Աւելի քան 1700 տարիներ, Հայ Եկեղեցին անաղարտ պահած է մեր ինքնությունը, որով մենք անոր կողքին պիտի կենանք, հաստատակամ, պահպանելու եւ յաւերժացնելու համար մեր ժառանգությունը եւ մեր քրիստոնէական արժէքները: Մենք յանձնառու ենք նաեւ օժանդակելու հոգեւորականներու պատրաստութեան գործին, մշակելով բարձրագոյն ուսման ծրագիրներ եւ տրամադրելով համապատասխան կրթաթոշակներ: Մեր հոգեւորականները պատրաստ պէտք է ըլլան, զինուած գիտութեամբ եւ ժողովուրդին հետ աշխատելու ձիրքերով: Մենք պատրաստ պէտք է ըլլանք աջակից ըլլալու անոնց իրենց աշխատանքին մէջ:

Հայաստանի ու Արցախի կարիքները եւ անոնց ընկերային ու տնտեսական զարգացման առաջնահերթությունները մեր աշխարհատարած ազգին համար մտասուեւոռումի առարկա են: այդ ուղղութեամբ շատ գործ ունինք ընելիք: Մենք յանձնառու կը մնանք գործակցելու հայրենի պետութեան հետ եւ օժանդակելու հայրենի ժողովուրդին մօտ ապագայի նկատմամբ վստահութեան եւ կառուցողական տրամադրություններու խթանումին ուղղուած ճիգերուն, որպէսզի Հայաստանը դառնայ յուսալի այն վայրը ուր անոնք պիտի ուզեն ապրիլ եւ կերտել իրենց զուակներու ապագան:

Հայաստանի Հ.Բ.Ը.Մ.ը անցնող տարիներուն, յատկանշական նախաձեռնություններ իրականացուց, առաջնորդող դեր կատարելով երկրի ընկերային եւ տնտեսական զարգացման մէջ: Մեր ֆիզիքական ներկայությունը աւելի քան կրկնապատկուեցաւ, զօրացնելով երկրի զարգացման առնչուող խնդիրներու քննարկումին եւ լուծումներուն մասնակից ըլլալու մեր հնարաւորությունները:

Անշուշտ մենք կը շարունակենք յատկացումներու եւ կրթաթոշակներու միջոցաւ օժանդակել երկրի բարձրագոյն ուսման կառոյցներուն, ինչպէս Հայաստանի Ամերիկեան Համալսարանին եւ Հայաստանի Ֆրանսական Համալսարանին: Այն ուսանողները, որոնց կրթութեան ի նպաստ ներդրումներ կատարած ենք անցնող տասնամեակներուն, այսօր գլխաւոր մղօններն են երկրի զարգացման տարբեր բնագաւառներուն մէջ: Մեզի համար կարեւոր են նաեւ ԹՈՒՄՈՒ-ի եւ Մայր Աթոռ Ս. Էջմիածնի հետ մեր գործակցությունները, որոնք իրենց կրթական նորարար արտադրոցական ծրագիրներով, կը պատրաստեն առաջնորդներու յաջորդ սերունդները: Մեր հոգածութեան առարկայ են թոշակառու տարեցները, որոնք անցեալին իրենց ներդրումը կատարած են հայրենիքի կառուցման ճիգերուն, եւ այժմ ամէն օր կանոնաւորաբար կը յաճախեն իրենց համար գործող մեր ճաշարանները:

Հայրենի ժողովուրդին ներուժը անսահման է: Հետեւաբար մենք պիտի շարունակենք զարգացնել մեր գործակցութիւնները եւ ծրագիրները նոյն այդ ուղղութիւններով:

Յառաջիկային, մենք պիտի շարունակենք օժանդակել հայրենի պետութեան եւ կառոյցներուն, գործնական, շօշափելի եւ մնայուն ծրագիրներով, որոնք կը նպաստեն ժողովուրդի լայն խաւերուն: Այդ ծրագիրներուն մէջ պիտի ներգրաւուի նաեւ սփիւռքը, որուն մասնակցութիւնը հայրենի պետութեան կողմէ կը բնորոշուի իբր յաջողութեան ու յառաջդիմութեան գրաւական: Այս աջակցութիւնը հայրենիքին, միայն նիւթական ներդրումներու բնոյթով պիտի չըլլայ, այլ պիտի ընդգրկէ նաեւ մասնագիտական մարզեր, ինչպէս առեւտրական փորձագիտութեան, ճարտարարուեստի եւ քաղաքացիական կառոյցներու զօրացման ուղղուած աջակցութիւն: Մեր աշխատանքը հայրենի ժողովուրդին հետ պիտի ըլլայ յարգալիր ոգիով եւ գործակցական:

Ես հպարտութեամբ կը հաստատեմ, թէ մինչ պատասխանատուութեան ծանր բեռ մը ունինք մեր ուսերուն իրականացնելու համար մեր յանձնառութիւնները, Հ.Բ.Ը.Մ.ը միշտ ժողովուրդի ծառայութեան գործին յառաջապահը պիտի ըլլայ: Մենք գիտակից ենք թէ երկար ճամբայ ունինք կտրելիք, բայց մենք տոկուն հաստատակամութեամբ եւ մեր կարողութիւններու բոլոր ուժով նուիրուած ենք ազգի ծառայութեան մեր առաքելութեան:

Մեզի համար կարելի պիտի չըլլար իրականացնել այն ինչ ըրինք անցնող դարաշրջանին, նաեւ կարելի պիտի չըլլայ դիմագրաւել ապագայի մարտահրաւերները, առանց ունենալու մեր անդամներուն, համակիրներուն, գործընկեր կազմակերպութիւններուն եւ մանաւանդ մեր բարերարներուն եւ նուիրատուներուն աջակցութիւնը: Մենք երախտապարտ ենք մեր ղեկավարութեան հանդէպ ցուցաբերած ձեր վստահութեան եւ ձեր միակամ ճիգերուն համար: Ալ աւելի փայլուն ապագայի հեռանկարով, մենք կը շարունակենք փարած մնալ մեր ազգի եւ մեր համայնքներու լայն շրջանակներուն ծառայելու մեր կոչումին: